



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones Clementis XII. ab Anno I. usque ad IV.

**Luxemburgi, 1740**

XCII. Facultas Generali Ordinis Fratrum Sancti Francisci de Paula  
aggregandi Confraternitates cum Indulgentiarum communicatione.

---

[urn:nbn:de:hbz:466:1-74733](https://nbn-resolving.org/urn:nbn:de:hbz:466:1-74733)



eo contenta, tenore presentium confirmamus & approbamus; illisque inviolabilis Apostolicæ firmitatis robor adjicimus, ac omnes & singulos tam juris quam facti, & solemnitarum quarumcumque, tam ex juris communis, & Constitutione Apostolica præscripto, quam aliàs quomodolibet in similibus etiam de necessitate observandarum, & alios quoslibet, etiam formales & substantiales defectus, si qui in præmissis, vel eorum aliqui principaliter vel accessorie, aut aliàs quovis modo intervenerint, seu intervenisse dici, censeari, vel prætendi possent, plenissime supplemus & sanamus, ac penitus & omnino tollimus & abolemus.

Clausulæ.

§. 3. Decernentes, eandem præsentem, & in eis contenta quæcumque, etiam ex eo, quod quicumque in præmissis interesse habentes, seu habere quomodolibet prætendentes, illis non consenserint, nec ad ea vocati & auditi, neque causæ, propter quas præsentem emanarint, adductæ, specificatæ, & justificatæ fuerint, aut ex alia quacumque causa, prætextu, & capite, etiam in corpore juris clauso, etiam enormis & enormissimæ & totalis læsionis, nullo unquam tempore de subreptionis vel obreptionis aut nullitatis vicio, seu intentionis nostræ, aut interesse habentium consensus, aliove quolibet, etiam quantumvis formali & substantiali defectu notari, impugnari, infringi, retractari, ad terminos juris reduci, seu in controversiam vocari, aut ad versus illas aperiitionis oris, restitutionis in integrum, aliudve quodcumque juris & facti vel gratiæ remedium intentari vel impetrari, seu impetrato, ac etiam motu, scientia, & potestatis plenitudine paribus concessio vel emanato, quempiam in judicio vel extra illud uti, seu se juvare posse; sed ipsas præsentem literas firmas, validas, & efficaces existere & fore, suosque plenarios & integros effectus sortiri & obrinere; ac illis, ad quos spectat & pro tempore spectabit, in omnibus & per omnia plenissime suffragari; Sicque in præmissis per quoscumque Judices ordinarios & delegatos, etiam Causarum Palatii Apostolici Auditores, ac prædictæ S. R. E. Camerarium, necnon Cameræ Nostræ Apostolicæ Præsidentes Clericos, Thesaurarium Generalem, cæterosque Officiales & Ministros nunc & pro tempore existentes, sublata eis & eorum cuilibet quavis aliter judicandi & interpretandi facultate & auctoritate, judicari & definiri debere; ac irritum & inane, si secus super his a quoquam quavis auctoritate scienter vel ignoranter contigerit attentari.

§. 4. Non obstantibus Constitutionibus & Ordinationibus Apostolicis, necnon omnibus & singulis, quæ in Chirographo præinserto idem Benedictus Prædecessor Noster voluit non obstante, cæterisque contrariis quibuscumque.

Datum Romæ apud S. Mariam Majorem sub Annulo Piscatoris die 11. Maji 1733. Pontificatus Nostri Anno Tertio.

F. Card. Oliverius.

XLII.

Facultas nunc & pro tempore existenti Generali Ordinis Fratrum Sancti Francisci de Paula, Minimorum nuncupatorum, erigendi & aggregandi Confraternitates sub denominatione & Instituto S. Francisci de Paula, illisque communicandi Indulgentias.

CLEMENS PAPA XII.

Ad futuram rei memoriam.

Omnipotentis Dei Salvatoris Nostri, qui ex pietatis suæ superabundantia fidelium mentibus cælestis inspirationis gratiam, & devotionis ardorem ad divinæ Majestatis obsequia, & piorum operum exercitia salubriter peragenda continuo infundit; exemplo adducti, in eam Pastoralis officii curam cogitationemque sedulo incumbimus, per quam ipsorum fidelium fructuosus hujusmodi operibus & exercitiis vacantium religio & devotio continuum suscipiat incrementum.

§. 1. Cum itaque nuper ad preces dilecti filii moderni Correctoris Generalis Ordinis Fratrum Sancti Francisci de Paula, Minimorum nuncupatorum, in Congregatione Venerabilium Fratrum Nostrorum S. R. E. Cardinalium, Indulgentiis & Sacris Reliquiis præpositorum, die 20. mensis Januarii habita, proposito dubio, an facultas erigendi & aggregandi Confraternitates sub Instituto ejusdem Sancti Francisci de Paula eidem Correctori Generali esset concedenda, rescriptum fuerit: Nobis supplicandum esse. Hinc est, quod Nos, qui dictum Ordinem in visceribus gerimus charitatis, piis ipsius moderni Correctoris Generalis votis hac in re, quantum cum Domino possumus, favorabiliter annuere, eumque specialis favore gratiæ prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis, a jure vel ab homine quavis occasione vel causa latis, si quibus quomodolibet innodatus existit, ad effectum presentium dumtaxat consequendum, harum serie absolventes & absolutum fore censentes, supplicationibus, ejus nomine Nobis super hoc humiliter porrectis, inclinatis, de memoratorum Cardinalium consilio, tam prædicto quam pro tempore existenti Correctori Generali Ordinis Fratrum S. Francisci de Paula, ut ejusmodi utriusque sexus Confraternitates ejusdem denominationis & instituti, accedente consensu Ordinariorum, erigere: easque jam erectas Archiconfraternitati in Alma Urbe nostra institutæ aggregare: omnesque & singulas Indulgentias & gratias, a Romanis Pontificibus Prædecessoribus nostris concessas, illis communicare libere & licite valeat, servata tamen Constitutionis se. re. Clementis PP. VIII. Prædecessoris pariter nostri, super erectione & aggregatione hujusmodi Confraternitatum editæ, forma & dispositione, facultatem auctoritate Apostolica tenore presentium concedimus & impertimur: ac salva semper in præmissis auctoritate Congregationis eorumdem Cardinalium.

§. 2. Decernentes, eandem præsentem literas semper firmas, validas, & efficaces existere & fore, suosque plenarios & integros effectus sortiri & obtinere; ac illis, ad quos spectat & spectabit in futurum, plenissime suffragari, & ab eis respective inviolabiliter observari; Sicque in præmissis per quoscumque Judices ordinarios & delegatos, etiam Causarum Palatii Apostolici Auditores, judicari & definiri debere; ac irritum & inane, si secus super his a quoquam quavis auctoritate scienter vel ignoranter contigerit attentari.

§. 3. Non obstantibus præmissis, ac Nostræ & Cancellariæ Apostolicæ Regula de non concedendis Indulgentiis ad instar, aliisque Constitutionibus & Ordinationibus Apostolicis; necnon, quatenus opus sit, Ordinis hujusmodi, etiam jramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque, indultis, & literis Apostolicis, in contrarium præmissorum quomodolibet concessis, confirmatis, & innovatis.

Dat. die 12. Maji 1733. Pont. An. III.

Exordium.

Concessio de qua in Rubrica.

Clausulæ.

Quibus



Quibus omnibus & singulis, illorum tenores presentibus pro plene & sufficienter expressis ac de verbo ad verbum inferitis habentes, illis aliis in suo robore permanentibus, ad praemissorum effectum hac vice dumtaxat specialiter & expresse derogamus, ceterisque contrariis quibuscumque.

Fides transumptis danda.

§. 4. Volumus autem, ut ipsarum praesentium literarum transumptis seu exemplis, etiam impressis, manu alicujus Notarii publici subscriptis, & sigillo personae in ecclesiastica Dignitate constitutae munitis, eadem prorsus fides ubique locorum tam in judicio quam extra illud habeatur, quae ipsis praesentibus haberetur, si forent exhibitae vel ostensa.

Datum Romae apud S. Mariam Majorem sub Annulo Piscatoris die 12. Maji 1733. Pontificatus Nostri Anno Tertio.

F. Card. Oliverius.

XCIII.

Missionariis & Concionatoribus Ordinis Minorum Sancti Francisci, Capuccinorum nuncupatur indulgetur, ut Missionum & Concionum tempore Sacerdotibus tum Saecularibus tum Regularibus peccata possint confiteri in locis, in quibus Ordinis Confessarii minime reperiuntur.

Dat. die 16. Maji 1733. Pont. An. III.

CLEMENS PAPA XII.

Ad futuram rei memoriam.

Causae hujusmodi concessio- nis.

§. 1. Exponi Nobis nuper fecit dilectus filius Cherubini de Noves, Frater expresse professus, & Assistentis Generalis Galliae Ordinis Minorum Sancti Francisci, Capuccinorum nuncupatorum, quod ipse Fratribus Missionariis, Gallis, Sabaudis, Lotharingis, Scotis, Hibernis, & Anglis, sub Assistentia Generali hujusmodi comprehensus, qui in longinquis regionibus vineae Domini allaborant, necnon Sacris Concionatoribus dicti Ordinis, qui verbum Dei populo tempore praesertim Adventus, Quadragesimae, & intra octavas Festorum dierum annunciant in locis, ubi Religiosi Confessarii ejusdem Ordinis minime reperiuntur, peccata sua aliis Confessariis, legitime caeteroquin approbatis, confitendi potestatem fieri summopere desiderat; Nobis propterea humiliter supplicari fecit, ut in praemissis opportune providere, & ut infra indulgere de benignitate Apostolica dignaremur. Nos igitur ipsius Cherubini votis, quantum cum Domino possumus, favorabiliter annere cupientes, eumque a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis, a jure vel ab homine quavis occasione vel causa latis, si quibus quomodolibet innodatus existit, ad effectum praesentium tantum consequen. harum serie absolventes & absolutum fore censentes, hujusmodi supplicationibus inclinati, Fratribus Missionariis ac Concionatoribus praedictis, ab eorum Superioribus nunc & pro tempore deputatis, ut quibusvis Sacerdotibus tum Saecularibus tum aliorum Ordinum Regularibus, ab Ordinariis locorum, ac aliis legitime ad audiendas confessiones ejusmodi approbatis, in iis locis dumtaxat in quibus Confessarii Ordinis praedicti minime reperiuntur, sicut praemittitur, peccata sua confiteri libere & licite possint & valeant, quamcumque necessarium & opportunam facultatem ad decennium proximum tantum duraturam auctoritate Apostolica tenore praesentium tribuimus & impertimur.

Concessio.

§. 2. Non obstantibus Constitutionibus & Ordinationibus Apostolicis, necnon dicti Ordinis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis, quoque, indultis, & literis Apostolicis, in contrarium praemissorum quomodolibet concessis, confirmatis, & innovatis. Quibus omnibus & singulis, illorum tenores praesentibus pro plene & sufficienter expressis, ac de verbo ad verbum inferitis habentes, illis aliis in suo robore permanentibus, ad praemissorum effectum hac vice dumtaxat specialiter & expresse derogamus, ceterisque contrariis quibuscumque.

Datum Romae apud S. Mariam Majorem sub Annulo Piscatoris die 16. Maji 1733. Pontificatus Nostri Anno Tertio.

F. Card. Oliverius.

Confirmatur Divisio Provinciae Baren. Ordinis Fratrum Minorum Sancti Francisci de Observantia, in duas, atque Erectio novae Provinciae Licien.

Obstantium derogatio.

XCIV.

CLEMENS PAPA XII.

Ad perpetuam rei memoriam.

Dat. die 28. Maji 1733. Pont. An. III.

EX inuncto Nobis divinitus Apostolicae servitutis munere illa, quae a Superioribus Regularibus pro felici prosperoque Religiosorum Virorum regimine ac tranquillitate per novarum Provinciarum Institutionem provide facta & ordinata esse noscuntur, ut firma semper, atque inviolata persistant, Apostolici muniminis nostri praesidio, cum id a Nobis petitur, libenter constabimus.

Exordium.

§. 1. Exponi siquidem Nobis nuper fecit dilectus filius Josephus Maria ab Eborac Commissarius Generalis pro Cismontana Familia Ordinis Minorum Sancti Francisci, de Observantia nuncupatur, quod cum Provincia Baren, quae Sancti Nicolai appellatur, ejusdem Ordinis, adeo ampla foret, ut ambitu ad quingenta, longitudine vero ad sexaginta circiter millia passuum pateret, & in duas Regiones Baren, scilicet 28. Conventus complegerentem, ac Licien. respectively nuncupatas duodecim Conventibus, ducentisque & ultra Fratribus constantem divideretur: Ipse Josephus Maria variis incommodis, quae ex amplitudine Provinciae, ac diversitate regionum hujusmodi oriebantur, decurandi, perpetuamque pacem inter Fratres utriusque regionis praefatae fovendi studio, re prius cum Visitatore Provinciae, necnon Diffinitoribus Generalibus Ordinis praedictorum communicata, vigore specialis facultatis sibi ad id a Nobis attributae supradictam Provinciam Baren, in duas divisit, atque ex memoratis duodecim Conventibus Regionis Licien. novam dicti Ordinis Provinciam Licien. nuncupandam cum omnibus privilegiis, praerogativis, & honoribus, quibus caeterae Provinciae ipsius Ordinis fruuntur, erexit: reservatis Provinciae Baren. tum antiqua denominatione, tum praerogativis, quibus eatenus gavisus fuerat, & aliis, prout uberius continetur in ejusdem Josephi Mariae patentibus literis desuper expeditis, tenoris, qui sequitur, videlicet:

Baren. Provinciae amplitudo.

Provinciae rum divisio a Commissario Gener. facta.

§. 2. Cum Sanctissimus Dominus Noster Dominus CLEMENS divina Providentia Papa XII. pro sua in Ordinem nostrum benevolentia, & in nos propensione voluntatis, munus Apostolici Commissarii in hac Familia Cismontana Nobis mandaverit, adeoque inter caetera idem arbitrium ac potestatem contulerit, quae penes Capitula & Congregationes Generales ipsius

Forma Literarum dicti Commissarii.

Ordinis